

# Bwyd a Chi 2 (Cynllun Sgorio Hylendid Bwyd) Cylch 4: Crynodeb Gweithredol

Results available: Results available

Maes o ddiddordeb ymchwil: [Food and You 2](#)

Awduron: Dr Beth Armstrong, Lucy King, Ayla Ibrahim, Robin Clifford, Mark Jitlal

Cynhaliwyd gan: Ipsos MORI

DOI: <https://doi.org/10.46756/sci.fsa.lyx422>

Hyd yr astudiaeth: 2021-10-18

Cwblhau arfaethedig: 31 Ionawr 2022

Statws y prosiect: Wedi'i gwblhau

Dyddiad cyhoeddi: 23 Tachwedd 2022

## Trosolwg o Bwyd a Chi 2

Cynhaliwyd gwaith maes Bwyd a Chi 2: Cylch 4 rhwng 63T18PP Hydref 2021 a 10PP Ionawr 202263T. Cafodd yr arolwg 'gwrthio i'r we' (push-to-web) ei gwblhau gan gyfanswm o 5,796 o oedolion o 4,026 o gartrefi (sef cyfradd ymateb o 28.5%) ledled Cymru, Lloegr a Gogledd Iwerddon (gweler Atodiad A am ragor o wybodaeth am y fethodoleg).

Mae'r adroddiad hwn yn cyflwyno canfyddiadau arolwg Bwyd a Chi 2: Modiwl 'Bwyta allan a bwyd tecawê' Cylch 4 yn ymwneud â'r Cynllun Sgorio Hylendid Bwyd (CSHB). Cwblhaodd cyfanswm o 4,755 o oedolion ledled Cymru, Lloegr a Gogledd Iwerddon y modiwl 'Bwyta allan a bwyd tecawê' drwy'r holiadur ar-lein neu drwy'r holiadur post 'Bwyta allan'.

Bwyd a Chi 2: Casglwyd data Cylch 4 yn ystod cyfnod a chyd-destun sydd wedi gweld newidiadau yn economeg a gwleidyddiaeth y DU a byd-eang, newidiadau i'r cyd-destun y mae'r cyhoedd yn gwneud penderfyniadau bwyd ynddo, ac effaith cyfyngiadau Omicron. Disgwylir i'r cyd-destun cyfredol gael effaith ar lefel y diogeledd bwyd (food security) a'r ymddygiadau sy'n ymwneud â bwyd a adroddwyd ([footnote 1](#)).

## Y prif ganfyddiadau

### Ymwybyddiaeth ac adnabyddiaeth o'r Cynllun Sgorio Hylendid Bwyd

- Dywedodd y rhan fwyaf o'r ymatebwyr (89%) eu bod wedi clywed am y Cynllun Sgorio Hylendid Bwyd. Roedd y rhan fwyaf o ymatebwyr yn Lloegr (89%), Cymru (95%), a Gogledd Iwerddon (92%) wedi clywed am y Cynllun Sgorio Hylendid Bwyd \*\*. Roedd ymatebwyr yng Nghymru (74%) a Gogledd Iwerddon (65%) yn fwy tebygol o ddweud eu bod yn gwybod am y Cynllun Sgorio Hylendid Bwyd na'r rheiny yn Lloegr (57%)\*\*2.
- O blith y rheiny a oedd wedi clywed am y Cynllun Sgorio Hylendid Bwyd, y lle mwyaf cyffredin yr oedd yr ymatebwyr wedi dod ar ei draws oedd trwy weld sticer sgôr hylendid bwyd yn cael ei arddangos mewn busnes bwyd (85%), tra bod dros draean (37%) o'r ymatebwyr wedi dod ar draws y Cynllun Sgorio Hylendid Bwyd ar wefan busnes bwyd.
- Pan ddangoswyd llun o sticer y Cynllun Sgorio Hylendid Bwyd iddyn nhw, dywedodd 88% o'r ymatebwyr eu bod wedi gweld y sticer o'r blaen. Roedd adnabyddiaeth o'r sticer ychydig yn is yn Lloegr (87%) nag yng Nghymru (95%) a Gogledd Iwerddon (94%)\*\*. Roedd ymatebwyr yn fwyaf tebygol o fod wedi gweld y sticer mewn bwyty (81%), caffi (71%) neu siop tecawê (66%) yn y 12 mis diwethaf.

## Dealltwriaeth a defnydd o'r Cynllun Sgorio Hylendid Bwyd

- Roedd tua 4 o bob 10 (41%) o ymatebwyr wedi gwirio sgôr hylendid bwyd busnes bwyd yn ystod y 12 mis diwethaf (naill ai ar safle'r busnes neu ar-lein). Roedd ymatebwyr yng Nghymru (54%) yn fwy tebygol o fod wedi gwirio sgôr hylendid bwyd busnes bwyd nag ymatebwyr yn Lloegr (40%), ac i raddau llai y rheiny yng Ngogledd Iwerddon (46%)\*\* ([footnote 2](#)).

O blith y rheiny a oedd wedi gwirio sgôr hylendid bwyd busnes bwyd, y mathau mwyaf cyffredin o fusnesau lle'r oedd ymatebwyr wedi gwirio sgoriau oedd siopau tecawê (70%) a bwytai (69%), ac roedd y rhan fwyaf wedi gwneud hynny drwy edrych ar y sticer sgôr hylendid a oedd yn cael ei arddangos ar safle'r busnes bwyd (83%).

Dywedodd un o bob 10 (10%) o'r ymatebwyr eu bod bob amser yn gwirio sgôr hylendid bwyd bwyty neu siop tecawê wrth gyrraedd, dywedodd 20% eu bod yn gwneud hyn y rhan fwyaf o'r amser a 31% yn gwneud hyn yn llai aml (hynny yw 'tua hanner yr amser' neu 'o bryd i'w gilydd).

## Defnyddio'r Cynllun Sgorio Hylendid Bwyd i wneud penderfyniadau

- O blith y rheiny a oedd wedi clywed am y Cynllun Sgorio Hylendid Bwyd, dywedodd y rhan fwyaf o'r ymatebwyr y bydden nhw'n dal i fwyta bwyd mewn bwyty neu o siop tecawê pe baen nhw'n gweld sticer â sgôr hylendid bwyd o 4 (da) (94%) neu 3 (boddhaol ar y cyfan) (61%). Serch hynny, dywedodd y rhan fwyaf o'r ymatebwyr na fydden nhw'n bwyta bwyd mewn bwyty nac o siop tecawê pe baen nhw'n gweld sticer â sgôr hylendid bwyd o 2 (angen gwella) (81%), 1 (angen gwella yn sylweddol) (94%) neu 0 (angen gwella ar frys) (95%).
- Byddai llai nag un o bob 10 (8%) o'r ymatebwyr yn ystyried sgôr o 5 (da iawn) fel eu sgôr dderbyniol isaf. 4 (da) fyddai sgôr dderbyniol isaf dros bedwar o bob deg ymatebydd (41%), a 3 (boddhaol ar y cyfan) fyddai sgôr dderbyniol isaf 40% o'r ymatebwyr.
- O blith y rheiny a oedd wedi clywed am y Cynllun Sgorio Hylendid Bwyd, nid oedd tua dau draean yr ymatebwyr (65%) yn gallu meddwl am sefyllfa lle y gallen nhw benderfynu prynu bwyd gan fusnes bwyd â sgôr is na'u sgôr dderbyniol isaf. I'r rheiny a oedd yn gallu meddwl am sefyllfa lle gallen nhw benderfynu prynu bwyd gan fusnes bwyd â sgôr is (22%), y sefyllfa fwyaf cyffredin oedd pan nad oedd llawer o ddewis o leoedd i fynd, neu os oedd yr ymatebydd wedi bwyta bwyd yno o'r blaen.
- O blith y rheiny a oedd wedi clywed am y Cynllun Sgorio Hylendid Bwyd, gallai'r rhan fwyaf o'r ymatebwyr (64%) feddwl am sefyllfa lle na fydden nhw ond yn prynu bwyd gan fusnes bwyd â sgôr uwch na'u sgôr dderbyniol isaf. Roedd hyn yn fwyaf tebygol o ddigwydd pan oedd yn achlysur arbennig fel pen-blwydd, pen-blwydd priodas, neu ddatliad arall.
- O blith y rheiny a oedd wedi clywed am y Cynllun Sgorio Hylendid Bwyd, byddai dros hanner (57%) o'r ymatebwyr yn llai tebygol (hynny yw 'yn llawer llai tebygol' neu 'ychydig yn llai tebygol') o fwyta bwyd mewn busnes bwyd nad oedd yn arddangos sticer sgôr hylendid bwyd wrth y fynedfa; a dywedodd 15% eu bod wedi penderfynu peidio â bwyta yn rhywle yn ystod y 12 mis diwethaf am y rheswm hwn.

## Barn am y gofyniad i arddangos sgoriau

- O blith yr ymatebwyr a oedd wedi clywed am y Cynllun Sgorio, roedd 93% yn meddwl y dylai fod yn ofynnol yn ôl y gyfraith i fusnesau bwyd arddangos eu sgôr hylendid bwyd ar eu safle ac roedd 95% yn meddwl y dylai busnesau sy'n darparu gwasanaeth archebu bwyd ar-lein arddangos eu sgôr hylendid bwyd mewn man amlwg er mwyn i gwsmeriaid ei gweld cyn archebu bwyd.

1. Consumer insights tracker report: key findings from December 2021 to March 2022 (2022), FSA. The UK Public's Interests, Needs and Concerns Around Food (2022), Bright Harbour. Food in a pandemic (2021). ASB. UK Household Food Waste tracking survey Winter 2021: Behaviours, attitudes, and awareness (2022), WRAP
2. Gweler yr adran 'Dehongli'r canfyddiadau' i gael gwybod beth yw ystyr '\*\*\*'.